

Ա Ր Չ Ա Ն Ա Գ Ր ՈՒ Թ Յ ՈՒ Ն ԹԻՎ 07

ք.Երևան, Արշակունյաց 5.417 սենյակ

01.11.2016թ. ժամը 17.10

Համաձայն, «Մասիսավան բրենչ» ՍՊԸ-ի սնանկության գործով պահանջատեր՝ Վարուջ Կյուրեղյանի փաստաբան Գևորգ Չաքմիշյանից, «Մասիսավան բրենչ» ՍՊԸ-ի սնանկության գործով, կառավարիչ՝ Ալեքսանդր Կարակելյանի վարքագծի վերաբերյալ, կարգապահական վարույթ հարուցելու վերաբերյալ համապատասխան որոշում կայացնելու համար, ս/թ-ի Նոյեմբերի 01-ին հրավիրված Կարգապահական հանձնաժողովի նիստ.

ՄԱՍՆԱԿՅԵՑԻՆ՝

Հանձնաժողովի Նախագահ՝ Տիգրան Հարությունյանը
Հանձնաժողովի անդամ՝ Հենրիկ Մարտիկյանը
Հանձնաժողովի անդամ՝ Արմենակ Ադամյանը

«Մասիսավան բրենչ» ՍՊԸ-ի սնանկության գործով, կառավարիչ՝ Ալեքսանդր Կարակելյանը: Բողոքաբեր Վարուջ Կյուրեղյանի փաստաբան Գևորգ Չաքմիշյանը պատշաճ ծանուցված էր բայց հրավիրված նիստին չէր մասնակցում, քանի որ հեռախոսազանգով տեղեկացրել էր ծանրաբեռնվածության մասին և ժամանակային անհարմարության պատճառով չներկայանալու վերաբերյալ:

ՕՐԱԿԱՐԿՈՒՄ

«Մասիսավան բրենչ» ՍՊԸ-ի սնանկության գործով պահանջատեր Վարուջ Կյուրեղյանի փաստաբան Գևորգ Չաքմիշյանից, «Մասիսավան բրենչ» ՍՊԸ-ի սնանկության գործով, կառավարիչ՝ Ալեքսանդր Կարակելյանի վարքագծի վերաբերյալ հարուցել կարգապահական վարույթ և պարզել թե ինչու կառավարիչը առանց որևէ ընկալելի և ողջամիտ պատճառաբանության նվազեցրել է պարտապանի պարտքը և ինչու չի կատարել օրենքով սահմանված իր պարտականությունները, բողոքի քննարկման հարցը.

ԼՍԵՑԻՆ – Հանձնաժողովի նախագահ՝ Տիգրան Հարությունյանը ներկայացրեց ստացված բողոքը և առաջարկեց հանձնաժողովի անդամներին քննարկել սնանկության գործով կառավարիչ՝ Ալեքսանդր Կարակելյանի նկատմամբ կարգապահական վարույթ հարուցելու հարցը:

Հարցի վերաբերյալ ելույթի ձայն վերցրեց հանձնաժողովի անդամ՝ Հենրիկ Մարտիկյանը և նշեց, որ ըստ էության բողոքում նշված փաստերը կապված պարտատիրոջ պահանջի չափի նրա հիմնավորվածությանը և կառավարչի առարկություններն, վերաբերվելի չեն կարգապահական հանձնաժողովի քննարկմանը և առավել ևս այդ մասին որոշում կայացնելը, քանի որ հենց բողոքաբերի ներկայացմամբ դրանք ներկայացվել են դատական նիստերին և օրենքով սահմանված կարգով դրանց քննությամբ և որոշման կայացմամբ իրավասու է միայն դատարանը:

Պարզաբանումներ տալու համար ձայն տրվեց կառավարիչ՝ Ալեքսանդր Կարակելյանին, ով հանձնաժողովին ներկայացրեց 17.10.2016թ-ի Երևան քաղաքի Կենտրոն և Նորք Մարաշ վարչական շրջանների ընդհանուր իրավասության դատարանի ԵԿԴ /0073/04/16 որոշման լուսապատճենը և կարդաց որոշեց մասը, ըստ որի:

- Վարուժ Կյուրեղյանի ներկայացուցիչ Գևորգ Չաքմիշյանի դիմումը «Մասիսավան Բրենչ» ՍՊԸ ի նկատմամբ Վարուժ Կյուրեղյանի պահանջը հաստատելու վերաբերյալ մերժել:

Պարզաբանեց նաև որ խնդիրը Վարուժ և Վարուջ անունների մեջ է, որի հետևանքով դիմումը մերժվել է, որ այս օրվա դրությամբ բողոքաբերը չի հանդիսանում սնանկության գործով պահանջատեր և չի կարող ունենալ որևէ շահագրգռվածություն վարույթում կատարվող գործողությունների հետ:

Այդ փաստի վերաբերյալ ձայն խնդրեց հանձնաժողովի անդամ՝ Արմենակ Ադամյանը և ներկայացրեց, որ դիմումում նշված է՝ որ բողոքաբերը հանդիսանում է Վարուջ Կյուրեղյանի ներկայացուցիչը, բայց տվյալ պահանջը ներկայացնում է Վարուժ Կյուրեղյանը ու դիմումին կից չի ներկայացվել ներկայացուցչի լիազորությունները հավաստող լիազորագիր, ուստի ինքը գտնու է, որ դիմումը ներկայացված է ոչ պատշաճ լիազորություններ ունեցող անձի կողմից և քննարկման ենթակա չի:

Հանձնաժողովի նախագահ Տ. Հարությունյանը համախմբելով կարծիքները հայտեց, որ ըստ ներկայացված փաստերի պարզվում է, որ դիմումատուն չի ներկայացրել լիազորագիր, որով կապացուցեր իր լիազորությունները և կապացուցեր նաև իր վստահորդի սնանկության վարույթում գրանցված պարտատեր լինելու փաստը, իսկ սնանկության գործով կառավարչի ներկայացրած՝ 17.10.2016թ-ի Երևան քաղաքի Կենտրոն և Նորք Մարաշ վարչական շրջանների ընդհանուր իրավասության դատարանի ԵԿԴ-2 /0073/04/16 որոշումամբ, մերժվել է Վարուժ Կյուրեղյանի ներկայացրած պահանջ: Այսինքն դիմում ներկայացնելու պահին ոչ Վարուջ կամ Վարուժ Կյուրեղյանը կամ Կյուրեղյանները, առավել ևս նրա կամ նրանց ներկայացուցիչը, «Մասիսավան Բրենչ» ՍՊԸ-ի սնանկության վարույթում կողմեր չեն և բնականաբար «Սնանկության մասին» ՀՀ օրենքով երաշխավորված նրանց ոչ մի իրավունք չի կարող խախտվել ուստի «ՍԳԿԿ» ԻԿԿ 16.11.2013թ. Ընդհանուր ժողովի թիվ 1 արած անագրությանը հաստատված «Կարգապահական վարույթի անցկացման» Կարգի 2-րդ կետի հիմքով դիմումատուն չի կարող հանդիսանալ այն ֆիզիկական անձը, որի դիմումի համապատասխան կարող է հարուցվել կարգապահական վարույթ:

Հանձնաժողովի նախահն առաջարկեց վերոգրյալ հիմքով մերժել կարգապահական վարույթ հարուցելը:

Առաջարկը դրվեց քվեարկության:

ՔՎԵԱՐԿՈՒԹՅՈՒՆ՝

Կողմ - 3

Դեմ - 0

Չեռնպահ - 0

ՈՐՈՇԵՑԻՆ – «Մասիսավան բրենչ» ՍՊԸ-ի սնանկության գործով պահանջատեր՝ Վարուջ Կյուրեղյանի փաստաբան Գևորգ Չաքմիշյանի դիմումի հիմքով, «Մասիսավան բրենչ» ՍՊԸ-ի սնանկության գործով, կառավարիչ՝ Ալեքսանդր Կարակելյանի վարքագծի վերաբերյալ կարգապահական վարույթ հարուցելը մերժել:

Հանձնաժողովի նախագահ՝ Տ. Հարությունյան

Հանձնաժողովի անդամ՝ Հ. Մարտիկյան

Հանձնաժողովի անդամ՝ Ա. Ադամյան